

續修四庫全書

《續修四庫全書》編纂委員會編

續修四庫全書

上海古籍出版社

九二九・史部・目錄類

百宋樓藏書志一百二十卷續志四卷（卷六十一至續志卷四）

〔清〕陸心源撰

2669/09

簡宋樓藏書志卷六十一

存齋雜纂之六

歸安陸心源剛甫編

子部

類書類三

玉海二百卷附辭學指南四卷

元刊元印本

宋浚儀王應麟伯厚甫撰

玉海天下奇書也經史子集百家傳記稗官小說咸采摭焉其爲書也至顯而至微至精而至密至高而至深至博而至約凡天地山川古今事物道德性命律歷制度文章禮樂刑政兵農

簡宋樓藏書志卷六十一

一

食貨靡不畢備是故宋禮部尚書厚齋先生王公專精力積三十年而後成者也先生在宋季以詞學顯融其天才絕識有大過人者且盡讀秘府所藏天下未見之書故能博洽貫穿網羅包括著爲此書第篇次浩繁日修月削間以所見疏列下方傳寫抄錄不無先後泰錯之遺非若他類書比也雖然粹焉如玉浩乎似海玉海之名斯亦奇矣先生平日著書特多玉海其最鉅者門人高第往往得其緒餘而擅名當世者有之夫不見異人必見異書一物不知君子恥

簡宋樓藏書志卷六十一

二

之是書也其殆集文學之大成者與東南之士莫不知此書之奇願見其全不可得願非一家之力所能刊行浙東帥府都事牟君應復首建議繕寫校讎將鈐諸梓事未就而牟君去今宣慰都元帥也乞里不花公寔來開闢承宣嘉惠學者於是力行前議召工庀事徵費于浙東羣縣學及書院歲入之美有差郡守張公榮祖臨蒞提督命教授王君苴學正薛君元德董其役凡二年而後成嗚呼繼自今是書之行也世之君子皆得以覽觀考索焉譬如涉滄溟而求至寶無不滿意隨其所入之淺深取之無窮而用之不竭詎庸有限量涯涘哉若其門類卷帙之日則李君敘之詳矣茲不復書至元四年龍集戊寅四月初吉前翰林國史院編修官東陽胡煦序

至元六年歲在庚辰夏四月初旦慶元路儒學新刊玉海成玉海者故宋禮部尚書厚齋先生王公之所著也先生之著是書網羅天下之見聞包括古今之故定將使學者覽之得以施諸用蓋自書契以來典籍日滋以事物之無涯而

紀載之至繁舉年歲於披尋窮心目而研究不可得而周知況於得其要領者哉太史公論儒家者流其學博而寡要然則博既難矣博而要者爲尤難此玉海之書不可以不作而作非先生不能也先生敏悟絕人少於書無不讀多識廣聞淹貫該洽時已莫能出其右及仕於朝又盡閱館閣之所藏宗工鉅儒咸共折服自經史傳註諸子羣集以至於稗官小說方技讖緯之書誦之如流言之如指掌既皆涉其披瀝而采其精英故其爲書梓密淵深區分臚列靡所不

南宋樓藏書志

卷六十一

三

載惟無益於用不足以備討論者不以登於簡策豈非所謂博而得其要者俾乎述作非若他書類事者之可擬倫也夫其篇次之多不免於淆舛傳錄之久或至於脫遺士以不獲覩其完書爲恨癸酉歲浙東帥府都事牟君應復蓋嘗建議請命經軀繼校而刻之凡郡縣學與書院之在浙東者等其歲入之多寡收其羨餘以爲助移之部使者而馬於是問者又皆喜幸是書之不泯越四年而事未克集斯文之遇若將有待然今宣慰元帥資德公也乞里不花以勳

德之門膺方岳之寄敦尚文雅以爲政先下車之始載詢載咨爰戎有司俾速其圖時則總督張侯塔海帖木兒徵財庀工承命唯謹明年夏教授王君苾來蒞厥職暨學正薛君元德躬自程督上下協心有作斯應夙夜弗怠遂底于成用力於一時垂利於無窮後之人稽典禮者求焉考制度者取焉立政建事者資焉監其因革而酌其時宜可以裨謀議於朝廷致治效於國家不特廣問學給文辭而已昔之文士嘗有以玉海名其集者詞章之靡麗蓋不足以當之夫

南宋樓藏書志

卷六十一

四

玉可寶而有用海之藏無所不具名之而無愧其惟是書乎書凡二百四卷摠之以二十二門曰律歷天道地理帝學聖文藝文詔令禮儀車服器用郊祀音樂學校選舉官制兵制朝貢宮室食貨兵捷祥瑞辭學指南析之爲二百六十一類於斯備矣癸卯郡文學中山李桓序天下事若緩而寔急者學校是也惟知治本者每切切而不暇以風化之美人材之盛於是乎出四明郡學甲東澍所職非所任而氣象日葵南凋謝至正己丑春太守嘉議公來領是邦雖

郡事鞅掌必時造論堂而扶衰拯弊加於昔十
君子賴焉今年夏因閱玉海數百卷於魯魚亥
豕之繆命參校而正訂之者數萬言使學者無
惑於討論是雖治教中之一事然以海氛煽虐
之秋不以調給爲煩且優游於文治其急於學
校可知夫朝廷以執政大臣職郡守六事以學
校先意有在也往往有緩視之而不切於己在
公獨惓惓三年如一日非深知治本者其若是
乎惜乎瞻承之晚今也於玉海之刊誤有所感
故不可不推夫平日作新之盛心以爲來者告

頤宋樓藏書志

卷六十一

五

至正辛卯七月既望儒學正王介謹識

至正九年余來守四明公事之暇因得遍觀郡
學書籍其所謂玉海者宋尚書王公厚齋之所
著述也公以碩學者德爲儒者宗著述之書逾
三十種已鉅梓于郡學者凡十有四玉海其一
也惜其間訛誤者多歷十餘年未有能正之者
余迺命公之孫厚孫重加校讎得誤漏六萬字
鳩工修補再閱月而成夫性命道德之學發明
於先儒表章於盛世者至精且詳矣若夫制度
典故記事纂言備討論而資考索者亦學者所

當務也公之學傳於眞文忠公而玉海之書寔
本於博學宏辭蓋公嘗擢是科故其彙次最爲
詠洽其它諸書扶遺經之絕學紬正史之要義
綜括於天地理辨微於禮樂文章明小學而
廣異聞既已登名于朝廷志列史牒則其書之
已刊者不可以不究觀者不可以不悉也然則
是書之成固學者所共願也因列其目於編首
又識其始末以告來者俾敬守勿壞至正十一
年六月初吉嘉議大夫慶元路總管阿殷圖堃
堂謹序

頤宋樓藏書志

卷六十一

六

皇帝聖旨裏浙東道宣慰使司都元帥府照得
至順三年十一月十二日准國子監牒據國子
學呈准博士趙承德關切見故宋尚書王厚齋
著書一部名曰玉海纂輯百家博綜眾理用功
精深有補後學雖嘗傳錄于世至今未曾刊行
如今所屬學院於學糧內置備筆札就於其家
眞謹抄錄發來以憑施行准此行下慶元路依
上抄錄解赴國子監收管外至順四年十月二
十六日據本道經歷司呈備準都事牟承事關
竊見慶元路鄉先生厚齋王公諱應麟以進士

詞科仕宋至翰林學士禮部尚書公篤學彊記博極羣書之言持行爲當時儒臣之冠平生著作幾三十種皆有功於後學俱未刊行至于玉海一書尤爲妙絕其門類之詳密則上至天文律歷下至禮樂器用凡二百四十餘類其紀歷代則始於伏羲堯舜終於宋之末年其摭集之書籍則自六經眾史百家子集註疏傳記譜謀藝術隱蹟之書靡有子遺纂次詳備博而有要眞足爲名世之奇書但自公歿之後其家族黨分爭書遂遺缺縉紳章布遞相抄錄雖多寡不

前宋樓藏書志

卷六十一

七

同俱非全書當職游宦四明詢訪文獻故家得公之孫厚孫延致家塾俾教二子因獲盡取公之著述悉心討論訪求遺逸玉海遂見全帙考訂鉅次粲然大備適當聖朝文治之盛儻得板行傳遠資禮官之敷陳惠士子之考索豈不難歟若准備足移牒憲司主領成就選官提調庶幾易於辦集具呈照詳得此又據慶元路申備儒學申准前翰林國史院編修官程從仕牒切見故宋尚書厚齋王先生著述玉海困學紀聞等書凡三十種皆有功於學者其玉海一書

前宋樓藏書志

卷六十一

八

百卷凡文獻典故制度名物見於經史子集傳註百家悉加蒐輯成編鉤玄摘要殆無遺者可謂天下古今希有之奇書上可備朝廷禮官之討論下可資學校士子之考索若不刊行深恐湮沒有負國家興崇文教之美意準此照得本學刊造四書精要文獻通考姚攸菴文集等項書板合支錢鈔俱奉省府劄付於各路學院錢糧內均派支撥參詳玉海一書誠可嘉惠後學如準所言備申上司分派各處學院計刊板印布相應備申照詳得此本道參詳故宋厚齋王尚書所編玉海淵博浩汗誠爲一代奇書如準刊行上可以黼黻皇猷下可以嘉惠後學爲此移牒本道肅政廉訪司并分司照驗施行元統二年二月初七日準憲司分司牒看詳所言玉海書籍如委淵深該博有益後學請依上施行準此行下慶元路依上施行三月初九日又準本道肅政廉訪司牒該來牒前事當司議得刊行是書嘉惠後學誠爲善事請依例施行準此再下慶元路依準憲司牒文事理刊行施行五月二十八日據慶元路申該行據本路儒學

申上項玉海會計得合用梨板工食等該鈔七百陸拾三定六兩伍分爲數不少若不照依姚牧庵文集等項書版於各路學院具學錢糧內分派支撥豈能獨就倘失於刊行印布非唯有誤啟發後學抑且虛負憲司嘉惠之美意如蒙備申上司照例分派各路學院支撥庶可成就誠非小補除已委請鉛山州儒學教授程敬叔厚齋先生孫王叔載訓導朱景陸等校正對讀外開到各各料物雜數申乞照詳得此爲是玉海一書古今罕有如雅慶元路所申照依姚牧

肅宋樓藏書志

卷六十一

九

庵文集高下分派各路學院錢糧內分派支撥誠爲易辦庶得刊行移牒本道肅政廉訪司照驗施行八月十八日回准憲司牒看詳放支錢糧係有司合行事理請依例施行准此議得玉海文光累代事益目前有惠後學誠爲美事憲司既許刊行有司當爲贊助爲此行下慶元等七路依准憲司牒文事理依例施行具呈省府照驗外今來照得厚齋王先生以六經眾史諸子百家集成一代之典名曰玉海國學首舉印正憲司已准刊行所用工料鈔數已嘗分派慶

元等七路學院贊助因循至今不見解納以致上項文籍經今四年尙未完就擬合委官提調催督庶易畢集今將慶元路元申計到合用物料工價及本道元派各路鈔數開坐行下紹興等路行移提調學校官督責所屬即將元派鈔數着緊催納齊足差人解司割付委自慶元路總管張正議知事陳邁將仕各不妨職敦請博通經典熟知古今老師宿儒校正對讀無差與工刊行仍下慶元路依上施行咨請本道宣慰使都元帥也乞里不花資德宣慰副使僉都元

肅宋樓藏書志

卷六十一

十

帥府事郭朝散提調委自都事張承務令史王良知督併校正刊行外合行具呈者
至元三年十一月 日令史王良知 武維周 劉榮 朱貴 蔡彬 經歷司典吏馮天祐 浙東道宣慰使司都元帥府照磨兼管勾承發架閣庫阮謙 承德郎浙東道宣慰使司都元帥府都事李澤 承務郎浙東道宣慰使司都元帥府都事相弼 承德郎浙東道宣慰使司都元帥府經歷李忽都答兒 副使朝散大夫浙東道宣慰副使僉都元帥府事郭德誠

太中大夫同知浙東道宣慰使司事副都元帥忽刺忽兒 資善大夫浙東道宣慰使司都元帥安童 資政大夫浙東道宣慰使司都元帥鎮南班 資德大夫浙東道宣慰使司都元帥也乞里不花

余幼好奇耕獵詞圃麗澤西山詒我撫萬北堂之鈔西齋之目披華啟秀歷歷載腹吹六題叨榮兩制汗顏前修皓首曲藝斲輪不傳屠龍無用緘之青箱以詔洛誦

右先祖尚書公玉海跋語玉海者公習博學宏

南宋樓藏書志

卷六十一

二

詞科編類之書也是科擬題爲文專務彊記雖小而月日名數不可遺缺惟衰世事變不以命題此書事類該廣援據淵洽非但施於科目而已公甚愛玩且謂未脫稿難以示學者故藏于家後爲人竊去先人白之憲司書得復歸而散帙頗多鈔錄者又復訛舛懼無以承先志於是裒輯緒次成卷如右公著書大小三十餘種此以失而復得名尤著于時浙東都事牟公始建議板行今元帥資德公既至卽命刊布又刊詩考詩地理考漢藝文志考通鑑地理通釋集解

踐昨篇補注急就篇王會篇漢制考小學紺珠姓氏篇六經天文編康成易注通鑑答問諸書厚孫等承命校勘唯謹而董役者弗爲修改遺誤具在觀者審焉至元六年庚辰四月一日孫厚孫百拜謹識

鴻蒙旣判六經載道歷代諸儒著述辨析至宋而道復大明事類之書亦至宋而益廣其述者厚齋先生爲最焉先生由詞科擢登秘府讀天下之書而識于一心以一心之所識而著述玉海之一書極天地萬物與夫古今禮樂制度咸

南宋樓藏書志

卷六十一

三

備于此祕藏於家迨今百有餘載至元丁丑歲剡東宣閫都元帥資德公知是書而發其祕俾鉸梓以廣其傳是時經歷賈君亨都事耿君朶羅多末贊賓幕俱篤意斯文以是書爲已任盡心協力克成厥功而元德寔奉檄董其事閱二載而刊始完嗟夫是書也昔爲王氏家藏之書今則爲天下之書矣以先生一心之微博覽天下之書而著于一書今復以是書而行于天下其惠後學也豈小補哉若夫論著書之旨要已見於序文愚不復贅姑記刊書歲月之始末于

卷後庶使後學之士知是書之幸傳於世不易也至元六年四月朔日鄆縣文學正東嘉薛元德序

辭學指南序曰博學宏辭唐制也吏部選未滿者試文三篇中者卽授官韓退之謂所試文章亦禮部之類然名相如裴陸文人如劉柳皆歸此選制舉又有博學通議博通墳典學兼流略辭擅文場辭彈文律辭標文苑手筆俊拔下筆成章文學優贖文辭秀逸辭藻宏麗文辭清麗文辭雅麗藻思清華文經邦國文藝優長文史

宋樓藏書志

卷六十一

三

兼優之名皇朝紹聖初元取士純用經術五月中書言唐有辭藻宏麗文章秀異之科皆以眾之所難勸率學者於是始立宏辭科二年正月禮部立試格十條除詔誥赦救不試又再立試格九條曰章表露布檄書頌箴銘誥論序記四題分兩場成一試之大觀四年五月以立法未詳改爲辭學兼茂科除去檄書增入制詔仍以四題爲兩場內二篇以歷代故事借擬爲題餘以本朝故事或時事蓋質之古以規記覽之博之今以觀翰墨之華宣和五年七月職方員

外郎 奏歲試不無幸中乃有省闈附試之

詔錄是三歲一試紹興三年工部侍郎李權請別立一科七月詔以博學宏辭爲名凡十二體曰制誥詔書表露布檄箴銘記贊頌序古今雜出六題分爲三場每場一古一今三歲一試如舊制先以所業三卷禮部上之朝廷下中書後省考其能者召試其取人以三等五年王堉石延慶首與選嘉熙二年立辭學科以今題四篇分兩場行之三年而廢景定二年復辭學科至四年而止今唯存博宏一科蓋是科之設紹聖

宋樓藏書志

卷六十一

四

額取華藻大觀假尙淹該爰暨中興程式始備科目雖襲唐舊而所試文則異矣宋文公謂是科習諛諛今大之辭競駢儷刻雕之巧當稍更文體以深厚簡嚴爲主然則學者必涵泳六經之文以培其本云

小學紺珠十卷 元刊元印本

宋 浚儀王應麟伯厚甫撰

唐張燕公忠多讀少記得紺君大珠一顆握以自照則平生所讀所記了了不忘故後人摘書小說奇事名紺珠集浚儀王公厚齋先生應麟

長回六歲以進士中宏博科仕與蘇長公端明翰長尚書同而德業文學亦似之守歛嘗造回家談論彌日其該洽今無復有斯人矣公歿後數載始得見所著小學紺珠謂入歲入學者當讀回謂如初學記雖回七十四將十倍初學之年亦盡時時閱之厚齋此書過於張燕公之所照者也豈但始就外傳者宜寶之哉因具始末於其端云大德庚子紫陽晚學方回序

故宋內翰尚書深寧王公應麟以博物洽聞伏一世蓋自經史傳記諸子百家浮屠老氏之書

韻宋樓藏書志

卷六十一

五

以至當代典章之因革食貨之源流衣冠之譜系羣公先正之嘉言善行家乘野史之各見殊聞莫不徧覽而周知之其文瞻富雅馴尤宜爲誥在兩制時每一篇出士爭傳誦予生雖晚猶及從東南諸大老游前一輩所不論白公同儕言之學問文章固皆予所師資然求其書無不讀問無不知如公者寔鮮或曰學無以博爲也是將溺心不知聖賢教人正欲使之由是而反約謂絕學捐書可坐進於道者此老莊所以爲虛無吾法無是也夫子蓋焉不學雖微而一骨

韻宋樓藏書志

卷六十一

六

一矢且知其所從來至語門弟子學詩亦欲其多識於鳥獸草木之名若之何藉口不經之書以自文其寡陋哉公平生著書至多悉未流布獨見小學紺珠一編財十餘卷而天地萬物之名數備在名書之義蓋取張燕公所玩以啟遺忘者夫公亦何事於斯特以幸初學之士耳公之子呂世寶其遺書欲廣傳之以成公志俾張君仲友來屬予爲之序昔公之父吏部公與先大父光祿府君同第嘉定癸未進士公又與老父數同班著且嘗聯事銓曹事分之厚不並他人儻緣通家子弟故獲挂名篇端以自託於永久豈非甚幸用敢冒不韙而不辭嗟夫公之墓本拱矣江左風流日以向盡四方學者皆知師尊吾黨之士固當以甘棠視之毋曰是特儿將急就之倫非大學者所當務云大德辛丑陵陽牟應龍謹序

古者蒙養豫教罔不在初六年教之數與方名八歲學六甲五方書計之事九年教之數日十年請肄簡諒循循有序繇是有名數之學陶靖節所以錄聖賢羣輔也君子恥一物不知訊五

穀不分七穆之對以爲洽聞束帛之誤謂之寡
學其可不素習乎迺采掇載籍擬錦帶書始於
三才終於萬物經以歷代緯以庶事分別部居
用訓童幼夫小學者大學之基也見末知本因
略考詳誦數以貫之倫類以通之博不雜約不
陋可謂善學也已按儀王應麟伯厚父自序
姓氏急就篇二卷 元刻元印本

宋 按儀王應麟伯厚甫

顯穹生民肇敘彝倫別生分類譜牒繫世姓以
德建氏以族命君之宗之一本萬支宗法不明

宋樓藏書志

卷六十一

七

姓氏靡分知祖惟鄭忘先者談纂著雖多混淆
舛訛祝祝涓玄宗宋使便逢逢謬謬載載處劇
戰但莫識堯堯孰別利繁旅虛史漢亦殊遐不
考證前言往行奇觚小學史游所作韻篇古字
姓名略記昔歐陽子州名是擬前屬句摹斬爲
此書希鏡百帙指掌可述對息問董若龜五總
姓復言重餘皆彙從尙友得師誦誦自怡稽經
訂傳蒙士用勸按儀遺民述

新編簪纓必用翰苑新書前集七十卷後集三十二
卷別集十二卷續集四十二卷 明抄本 馬笏齋舊藏

不著撰人名氏

新刊簪纓必用翰苑新書前集十二卷後集七卷別
集二卷續集八卷 萬歷刊本

不著撰人名氏

陳文燭序 萬歷辛卯

敏求機要一卷 舊抄本 鮑謙飲舊藏

宋 月梧劉芳實撰鳳梧劉茂實註

余觀醫卜陰陽書皆有歌詩捷訣况儒書汗牛

充棟非韻語括之奚以記夙成手澤私淑諸人

好古敏求望洋何極撮其機要簡則易從因輯

宋樓藏書志

卷六十一

六

一編課授新學朋儕競索酬應日繁公器難私

傳介鐵筆倘有違闕同志改諸

鮑氏手跋曰乾隆乙未閏十月傳錢唐吳氏歛

花齋本初十日畢知不足齋識

又曰丙申四月二十八日校一過溯皇初終趙

宋類本成韻語兔園冊之流也

聯新事備詩學大成三十卷 元刊本

宋 毛直方編 後學三山林慎編集

新編通用啟劄載江網七十四卷 宋刊本 連涇王

宋 熊晦仲撰

觀呂望得兵鈴書於魚腹中以輔周室然後知魚之可以致書也又觀葛玄附丹書於魚口中以達河伯然後知魚之亦可以傳書也故古詩云呼童賣鯉魚中有尺素書所以傳千里之恣恣者信不我誣矣然臨淵羨魚不如結網此截江網之所由設歟所謂截江網者取一網打盡之義云爾蓋書翰者千里之面目也帳下兒讀之則無所事此如張子布輩見之則不可草草搜羅 故寔網維 類文采備具足爲趙縑之式者然後下筆 人三過鹽讀十襲珍

爾宋樓藏書志

卷六十一

尤

藏見謂賢於十部從事可也近年兩坊所刊翰墨啟劄多矣類皆得其一而遺其二詳於此而略於彼未免有漏網之失惟熊君晦仲哀集是書凡古今前輩之事寔近日名公之啟劄皆網羅而得之自甲至癸分爲十集甲集則專舉諸式之大綱乙至癸則旁分品類之眾目井井且有條理至於牋表文檄碑銘箴頌記序詩詞之屬莫不咸在真所謂集是書之大成歟呼是不止爲書翰設凡施之詞章皆可一舉是網竭澤而漁矣大可以網學海之龍小可以網文江之

鯨至於吞舟縱壑者皆入吾網又豈但罾中之魚能傳陳勝王之帛書以示楚眾縉間之魚能傳神仙服餌之書以遺子明而已耶歲在己未正月元旦 進士陳元善序

案此宋麻沙本每葉二十八行每行二十三字小字雙行 四庫未收各家書目皆未著錄每卷有太原叔子藏書記白文長印子孫寶之朱文方印每門先雜事實次箋表次啟事次答式次小簡次古風次律詩絕句次詞曲多載全篇宋人文集之不傳者多籍是以存己未爲開慶

爾宋樓藏書志

卷六十一

辛

元蓋宋季刊本也

六帖補二十卷

舊抄本 半筋齋舊藏

代郡楊伯岳彥瞻集

類書之便於檢閱惟白居易氏六帖最備大抵皆載唐以前事至皇朝紹興初有孔傳世文先聖四十七代孫也復爲孔氏六帖繼之故於舊事獨詳今百餘年莫有增者泳齋楊君伯岳乃輯白氏孔氏之遺而爲之補泳齋楊和王曾孫而刻志好學多見異書下筆皆驚人語予嘗爲寮寓郊關外復出關時一相覓高談衰衰與夫

長篇短章更倡迭和有疑事實之嘗叩雲璈璈字所出卽答以太平廣記考之果然一日出所輯六帖補相示凡二十卷搜奇拔異事富語新如入建章宮千門萬戶使心洞目駭應接不暇是可與二氏六帖並行乎詠齋曰幸爲我敘篇首昔東晉補亡詩乃其自作於亡詩何補今所補六帖字字皆有依據其補於二氏爲多詠齋作九經補韻尤精詳非博聞強記不能也竊憶西墅君子堂前草必生書帶魚生墨頭午將問諸園丁壬寅二月十五日竹坡呂午序

臨宋樓藏書志

卷六十一

主

校正鄉貢進士州學教諭張應采 校正免解進士州學教諭徐應采 校正貢補進士州學直學陸誼 校正免解進士州學直學孔應選 校正免解進士州學直學鄭章 校正迪功郎新吉州太和縣主簿孔應得 校正迪功郎新瑞州江寧縣尉州學學正鄭運 唐世類書傳於今者有徐常侍初學記白少傅六帖記所遺者帖采綴甚富然自六經諸子逮於秦漢魏晉而止耳本朝名儒纂輯如晏元獻公類要等書可謂浩博特未聞有繼六帖而作

臨宋樓藏書志

卷六十一

主

者炎紹中興乃有孔侯六帖新書隋唐五代成著於篇而白傅所未取者不敢過而問焉詠齋楊先生復成六帖補二十卷然後向之軼於二公者粲然在目先生博覽古今見聞該洽雖治郡叢劇而手不釋卷石渠玉府盈溢胸襟隨取而充其用畢具非假是以夸涉獵備遺忘者其志固在於續古也白傅之後歷三百年而後有新書孔侯絕筆又百年而後有是補可不謂之有志於續古歟此仕禮之所敬嘆也因刻梓於學宮以廣其傳清祐甲辰孟冬朔日門生文林郎充衢州州學教授俞仕禮敬書 重刊增廣分門類林雜說十五卷 影寫金刊 吳方山舊藏 金平陽王朋壽編 傳記百家之學率皆有補於時然多散漫不倫難於統紀故前賢有區別而爲書號曰類林者其來尙矣惜乎次第失序門類不備予因暇日輒爲增廣第其次序將舊篇章之中添入事寔者加倍又復增益至一百門逐篇係之以贊爲十五卷較之舊書多至三倍若夫人君之聖智聰明臣子之忠貞節義父子兄弟之孝慈友愛

將相之權謀大體卿士之廉潔果斷隱遁之潛德幽光文章之麗藻清新風俗之好尚陰德之報應酒醴之耽沉恩怨之報施形軀之長短容貌之美惡男子之任俠剛方婦人之妍醜賢愚神仙之清修鬼神之情狀宮室之華靡屋宇之卑崇天地之運移日星之行度山海之靈潤醫藥之精專草木之奇秀金玉之純良蠻夷之頑獷禽魚之巨細凡六合之內所有無不概舉雖不敢謂之知所未知亦可謂之具體而微矣其於善者不敢加以褒飾惡者不敢遂有貶斥姑

耶宋樓藏書志

卷六十一

重

取其本所出處及其繁節其要而已覽者味其雅正則可以爲法視其悖戾則可以爲戒豈止資談柄而詫多聞不爲無可取也鄉人李子文一見曰專門之學不可旁及至如此書無施不可好學通變之士之所願見我爲君刊鏤以廣其傳如何予謹應之曰諾於是舉以俾之併爲之序時大定己酉歲夏晦平陽王朋壽魯老序

排韻增廣事類氏族大全十卷 元刊本

不著撰人名氏

左氏蒙求一卷 東洋月本

元吳化龍撰

自序

天澤序

韻府羣玉二十卷 元刊本

元晚學陰時夫助絃編輯新吳陰中夫復春編註

滕賓序

姚雲序

趙孟頫題

陰竹笠序 大德丁未

耶宋樓藏書志

卷六十一

重

陰復春序 延祐改元

陰時夫序

羣書類編故事二十三卷 明刊本

明四明王磐編集泰和梁朝校正

六經論孟諸書所載皆聖賢格言彙訓昭如日星學者所共講習而知至於諸子百家之書幽深玄遠學者以爲非所當習而未之究故有平生未嘗識其書而知其說者自非老於學問博洽雅聞又孰能窺一二於其間哉肇慶太守四明王公博學好古無書不覽公退之暇手不釋

卷嘗采羣書中古今事迹有關於世教切於日用至醫藥卜筮之驗仙方道術之妙瘡夷出處之迹大而天地之限量微而草木鳥獸之化育無不蒐集既分類書題又註其說出某傳某錄總若干類編爲一集題曰羣書類編故事書成出以示余屬序其端觀書中所載有嘗聞父師談論而未知所考據者若繪圻屋圖緣衣言事之類是也有平昔所未聞今見於此書者若愚公移山三石見夢之類是也其事浩瀚其言簡切讀之使人心胷開豁如得膏粱之味愈嗜而

詔宋樓藏書志

卷六十一

五

愈不厭豈徒曰晚生後學閱此足以廣聞見長智識雖士夫君子亦舒意解顏喜談而樂道也公之用心其開示後學之意深矣在他人莅政之暇食息不遑奚暇畱心於典籍哉傳曰好學之心老而彌篤於此見公之志矣是編一出好下缺

羣經室外集羣書類編故事二十四卷元王磐撰按磐姓名見邇波府志明初曾任廣東肇慶太守事迹無考其書明史藝文志及藏書家皆未著錄此本從明莫雲卿家藏元刻影爲其書

類分十八門所采故事史傳之外多取唐宋說部大旨仿朱勝非五色線之體亦類書中之一格也

案王磐字宗器其爲肇慶太守在宣德五年見明史李驥傳此本序中已云肇慶太守四明王公則書判于宣德以後可知研經室外集題爲元人元刊本固誤磐之事迹見于明史循吏傳甯波府志磐均作瑩文達偶不檢故云無考磐又有律詩類編見葉盛水東日記云四明王磐宗器喜言律詩云云則瑩瑩互誤久矣

詔宋樓藏書志

卷六十一

五

詠宋樓藏書志卷六十二

存齋雜纂之六

歸安陸心源剛甫編

子部

小說類一

西京雜記二卷 舊抄本

丹陽葛洪稚川集

洪家世有鎔子駿漢書一百卷無首尾題目但以甲乙丙丁紀其卷數先人傳之於歆欲撰漢書編錄漢事未得締構而亡故書無宗本止雜記而已失前後之次無事類之辨後好事者以

詠宋樓藏書志 卷六十二

意次第之始甲終癸爲十秩秩十卷合爲百卷

洪家 書試以此記考校班固所作殆是全

取鎔書有小異同耳并固所不取不過二萬許

言今抄出爲二卷名曰西京雜記以裨漢書之

闕爾後洪家遭火書籍都盡此二卷在巾箱中

嘗以自隨故得猶在鎔歆所記世人稀有縱復

有者多不備足見其首尾參錯前後倒亂亦不

知何書罕能全錄恐年代稍久歆所撰遂沒并

洪家此書二卷不知出所故序之云丹陽葛洪

稚川序

世說新語三卷 明袁褰刊本

朱臨川王義慶撰梁劉孝標注

右世說三十六篇世所傳證爲十卷或作四十五篇而未卷但重出前九卷中所載余家舊藏蓋得之王原叔家後得晏元獻公手自校本盡去重復其注亦小加剪裁最爲善本晉人雅尙清談唐初史臣修書率意竄定多非舊語尙賴此書以傳後世然字有譌舛語有難解以它書證之間有可是正處而注亦比晏本時爲增損至於所疑則不敢妄下雌黃姑亦傳疑以俟通

詠宋樓藏書志 卷六十二

二

博紹興八年夏四月癸亥廣川董弅題

隋遺錄一卷 宋刊本

唐顏師古撰

因論一卷 宋刊本

唐夔州刺史劉禹錫撰

自序

河東先生龍城錄二卷 宋刊本

唐柳宗元撰

牛氏紀聞十卷 舊抄本

唐牛肅撰崔造注